

**Ikayuqhugit ahuilutauhimayut ihivriurnikhainut Nunavunmi:  
Akuniuyut qauyihainirnut uuminngat kigliita naunaiyainirnut haffumani imarmiutat  
avataita iningillu haffumani nunaqaqqaahimayunut qauyimayatuqangit**

**M.A. havaariyakhaq uvanngat Nicole Peletz (UBC)**

Ihuilutauhimayut ihivriurnikhainut (IA) iluani Nunavunmi aallannguqtiqattaqtuq ingilrutikhat atuqtauvaktuq ihivriuriami kangiqhihimayauyuq avatingnut inungnut-ikayuutikhait ihuilutauhimayut havaariyakhaq pivallianikhainnut, unalu upalungaiqhimalugulu munaqhidjutinut ingattaqhittailinahuarniq taimaa. Aallatqinguyut akihautiit IA nit iluani Ukiuqtaqtuq atanniqtuiyingit nalunaiqtauhimayut ilaliutihimayangit akuniuyut iluani kigliliurningit nalunaiyainingit inikhaat amiriyauullaqhimayuq, iningit haffumani IA unalu nunat avataita unalu inungnut ikayuutikhait unalu ilaliutigiyangit uumani Nunaqaqqaahimayunut qauyimatuqangit (IK).

Ukunanngat Iliharyuagvik British Columbia'p Havagviat Avatingnut Ihivriurnikhainut Qauyiharniq, unalu havaqatigivlugit ukunani Nunavut Avatiliqiyit Katimayit (NIRB) unalu Nunavunmi Tariunganut Piyut Katimayiingit (NMC), una qauyiharniq havaariyakhaq qauyihaiyukhaq akuniuyut iluani kigliliuqtauhimayunut ilitturnikhaq ilagiyaat uvunga imarmiuttat ihuilutauyuq, unalu hamna IK, ihumagilluqatangit Inuit Quajimajatuqangit (IQ), illirilaaqtangit ikayuqtut hivituyumik turaarvikhaq ilitturvikhaq piyumayainnit.

Una Kanatamiunit Ukiuqtaqtuq qauyimayut nanminiriyaunngittut aallannguqhimayuq. Taryup hikungit nungutpallialiqtut, Ukiuqtaqtuq imarmiuttat imangit nahittarnaqtuuvlutik hivulliuliqtut angiklikpallialiqtut avatingnut pivallianikhainnut pulaaqaqtunillu, tautungnaqtuuvluni mihingnaqtuq tamarmik imarmiunit avataita unalu Qulvahiktumi nunaliit. Uvani IA piliriakhangit amiriyakhaat ihumagiyauhimayunit ihuilutauhimayut uvani qilamik avataita aallannguqpallialiqhuni. Kigliliuqhimaningit naunaiyainiq ilagiyaat uvunga imarmiunut ihuilutauhimayut angmaumanngettuni naunaqhivakhunilu, hivuliqtiulihutik hivuanu aallannguqtiqpalliyut iluani IA nit piliriangit. IA ilauhimayut haffuminngatut NIRB atuqattaqtangit aallannguqtiqattaqhimayuq inikhaanit humiliqaak qanilrukkut IK iniqpiaqhimayumik atuliqpagaat tamainnut IA nit piliriangit. Ilaliutigiyangit uumani IK iluani IA nit piliriangit ikayurnaqhuni katilviuyaami avataita inungnullu ikayuutikhait ilaliutait nakuuyumik tutqittiarnaqtuniglu ilaliutiginiqhugit nunalingni. Hamna nalunaiyainiq unalu qauyiharningit akuniuyut iluani kigliliugait naunaiyainingit ikayuutauvluni turaaqhimalugit

tamarmik imarmiunit hivuuranairningit avataitalu ingattaqhittailiniq ilagiyaat angikliktiqhimayut Ukiuqtaquq agyaqtuinirnut ihuaqhiivlutik IA nit piliriakhaq ukunanngat nakuuyumik kangiqhidjuhianit haffumani hivunngani qanurilinganingit.

Ikayuqhimagiangani haffumani IA nit piliriangit Nunavunmi, akuniuyut iluani kigliita qauyimatuqangit piyumayangit turaaqhimayakhaat, taimaa nakuuyumik timigutauluni IK nit turaaqhimalugit aallannguqtiqhimayut qanurilinganingit. Ukuninggat titiqqaitigut qauyihainikkut haffumani IA nit unipkaaqqhimayangit hamanngat NIRB’p kitunuliqaak atiliurvikhaq, uuminngalu hivunigiyakhaat ilauhimayut unalu avvautaanginnaq-ilittuqhimayut unipkaaliuqtunut aulapkaihimayut Nunavunmi ukunanngat IA ilauhimayunut, una havaaq naunaiyailaaqtangit akuniuyut iluani kigliita naunaiyainirnut ilagiyaat imarmiuttat ihuilutauhimayut; ikayuutaavluni qanuq ihumaliuriangani IK nit atuqtaungmangaat ilauhimaittuni “Qablunaat” qauyiharningit iluani kigliita naunaiyainirnut kititiqhimayut kangiqhidjuhingill. Una qauyiharniq ilaliutiginiaqtangit ilitturvikhaat ikayuqhimalugit NIRB ihuaqhinahuaqtangit pivallialugulu tuhagaghainnit titiqqangit katimadjutigiyakhaat ihivriurnikhainnut havaariyakhannut.